

REVMATOIDLI ARTIRIT BILAN KASALLANGAN BEMORLARNING HAYOT SIFATINING PSIXOLOGIK TAHLILI

Azimova Mavlyuda Mahmudovna - dotsent
Abdiyeva Mehriniso Bozorovna - 3-kurs talabasi
Toshkent Tibbiyot Akademiyasi (Toshkent, O'zbekiston)

Annotatsiya. Maqolada revmatoidli artrit o'tkazgan bemorlarning hayot sifatining psixologik tahlili keltirilgan. Revmatoidli artrit kasalligi inson salomatligiga katta ta'sir ko'satuvchi, bemor hayoti tubdan o'zgartirib yuboradigan jiddiy kasallik hisoblanib, u bevosita hayot sifatiga ta'sir qiluvchi muammolarni keltirib chiqaradi. Ushbu maqolada kuzatish, suhbat metodlari, E.John, D.Cathy «SF-36 – Hayot sifatini baholash» metodikasidan foydalangan holda artrit o'tkazgan bemorlarning hayot sifati ko'satkichlari matematik – statistik tahlil qilindi.

Kalit so'zlar: jismoni harakatchanlik, jismoni holat bilan shartlangan rolli harakatchanlik, og'riqning intensivligi, salomatlikning umumiy holati, hayotiy faoliik, ijtimoiy harakatchanlik, emotsiyonal holat bilan shartlangan rolli faoliyat, psixik salomatlik.

ПСИХОЛОГИЧЕСКИЙ АНАЛИЗ КАЧЕСТВА ЖИЗНИ БОЛЬНЫХ РЕВМАТОИДНЫМ АРТРИТОМ

Азимова Мавлюда Махмудова - доцент
Абдиева Мехринисо Бозоровна - студент 3 курса
Ташкентская медицинская академия (Ташкент, Узбекистан)

Аннотация. В статье описывается качество жизни пациентов, перенесших ревматоидный артрит. Ревматоидный артрит оказывает большое влияние на здоровье человека указывая на серьезное заболевание, которое кардинально меняет жизнь пациента считается, что он вызывает проблемы, которые напрямую влияют на качество жизни. В этой статье рассматриваются методы наблюдения, беседы, Е.Джон, Д.Кэти с помощью методики SF-36 – оценка качества жизни "был проведен математико – статистический анализ показателей качества жизни пациентов, перенесших инсульт.

Ключевые слова: физическая мобильность, ролевая мобильность, обусловленная физическим состоянием, интенсивность боли, общее состояние здоровья, жизненная активность, социальная мобильность, ролевая активность, обусловленная эмоциональным состоянием, психическое здоровье.

Dolzarbli. Jahonda revmatoidli artrit kasalligi odamlar kasallikni boshdan o'tkazgandan so'ng nogiron bo'lib qolishining asosiy sababi sifatida yetakchilik qilmoqda. Revmatoid artrit butun dunyoda tarqalgan bo'lib, barcha etnik guruhlarga ta'sir ko'satadi. Tarqalganligi 0.5-1% (keksalarda 5% gacha). Har yili 100 000 aholidan 5-50 tasi kasallikka yo'liqadi. 2010 yilda 49 mingga yaqin odam revmatoid artritdan vafot etgan [6].

Kasallik boshlanadigan o'rtacha yosh ayollar uchun 40-50 yoshni tashkil qiladi, erkaklar uchun esa biroz ko'proq. Ushbu kasallikka ayollar erkak-larga qaraganda 3-5 marta ko'proq chalinishadi.

2030-yilga borib revmotoidli artrit bilan kasallanish holatlaring o'sishi, ushbu kasallik Jahon Sog'liqni Saqlash Tashkiloti ma'lumotlariga ko'ra «revmatoidli artritni oldini olish va davolash aholi salomatligi uchun ustuvor vazifa» hisoblanib, u bilan kurashish bo'yicha faol global choralar ko'riliши davr talabi bo'lib qoldi. Shuning uchun ham revmatoidli artritni davolash va reabilitasiya tadbirlarini erta boshlash, bemorlarning salomatligini tiklash bugungi kunda butun jahon miqyosidagi dolzarb muammolardan bo'lib qolmoqda [3,4].

Tatqiqotning maqsadi.

Revmatoidli artrit bilan kasallangan bemorlarni statsionar sharoitda «SF-36 – Hayot sifatini baholash» metodikasi orqali hayot sifatini baholash va kasallikning bemor hayot sifatiga ta'sirini o'rganish [3].

Tadqiqot metodologiyasi va materiallari.

Tadqiqotda kuzatish, suhbat metodlari, E.John, D.Cathy «SF-36 – Hayot sifatini baholash» metodikasi [1,10].

Tatqiqotimizning kuzatuv guruhida revmatoidli artrit bilan kasallangan bemorlarning yetuklik va keksalik yoshidagi 40 nafar hozirda davo muolajalarini olib kelayotgan bemorlar tashkil qiladi. Resondentlarning yoshi 34 – 63 yoshni tashkil qiladi. Tadqiqot Toshkent tibbiyot akademiyasining ko'p tarmoqli klinikasi, Toshkent Milliy tibbiyot markazida o'tkazildi [1,8].

Tahlil va natijalar

Asab tizimi kasalliklari orasida ko'p o'limga sabab bo'lishi yoki mehnat qobiliyatining turg'un buzilishlariga olib kelishi bilan qon-tomir patologiyasi oldingi o'rinnlarni egallaydi. Rivojlangan mamlakatlarda bosh miya qon-tomirli kasalliklardan o'lim ko'satkichi yurak va o'sma kasalliklaridan keyin 3

o'rinda turadi. Revmotoidli artrit xavfli omillari ruhiy salomatlikka ham ta'sir qiladi. Bizga ma'lumki, odatda kasalliklarni davolagandan ko'ra uning oldini olish orqali bemorga ko'plab tibbiy- psixologik yordam ko'rsatgan afzaldir. Tadqiqotimiz psixodiagnostik qismida E.John, J.Ware tomonidan ishlab chiqilgan «SF-36 – Hayot sifatini baholash» so'rovnomasidan foydalanildi. So'rovnomalar mavjud kasallik, jins, yosh xususiyatlari va muayyan davolanihning o'ziga xos xususiyatlaridan qat'i nazar, sog'liq bilan bog'liq bo'lgan hayotning o'ziga xos bo'limgagan sifatini o'rganish uchun mo'ljallangan. SF-36 o'tgan asrning 80-yillarda AQShda kasalliklar natijalarini (Medical outcomes Study) keng ko'lamli o'rganish asosida ishlab chiqilgan. Tadqiqotga kiritilgan anketa umumiy SF-36 salomatlik holatini aniqlovchi so'rovnomadir. SF-36 – Hayot sifatini (HS) baholash uchun o'ziga xos bo'limgagan so'rovnomalariga tegishli bo'lib, u Amerika Qo'shma Shtatlari va Yevropa mamlakatlariada hayot sifatini o'rganishda keng qo'llaniladi. Rus tiliga tarjima qilish va metodologiyaning aprobatsiyasi Klinik va farmakologik tadqiqotlar instituti (Sankt-Peterburg) tomonidan malga oshirilgan. Anketaning 36 ta bandi sakkizta shkalaga birlashtirilgan: jismoniy harakatchanlik, jismoniy holatning hayot faoliyatidagi roli, jismoniy og'riq, umumiy salomatlik, yashovchanlik, ijtimoiy harakatchanlik, emotsiyonal holat, psixik salomatlik. Har bir shikalada 0 dan 100 gacha ball beradi, bunda 100 umumiy salomatlikni ifodalaydi, barcha shkalalar ikkita ball hosil qiladi: psixik va jismoniy farovonlik. Natijalar 8 ta shkala bo'yicha ball sifatida taqdim etiladi, so'rovnomaga

shunday tuzilganki, yuqori ball hayot sifatining baland darajasini ko'rsatadi [2]. Bemorning umumiy jihatlarini baholashda SF-36 shkalasi qo'llaniladi, kasallikning natijalarini bo'yicha so'rovnomalarining 36 balldan qisqartirilagan shakli bo'lib, turli patologik kasalliklari bo'lgan bemorlarda qo'llaniladi. SF-36 – Hayot sifatini baholash so'rovnomasi (tibbiy natijalarini o'rganish 36 ta savoldan iborat qisqa shakldagi salomatlik so'rovnomasi) amerikalik shifokorlar E.John, J.Ware va C. Sherbourne tomonidan Amerika Qo'shma Shtatlari tibbiy natijalarini o'rganish markazida ishlab chiqilgan. SF-36 so'rovnomasi 14 yoshdan tortib katta yoshdagini bemorlarning umumiy salomatligini baholash klinik amaliyot va tadqiqotlarda foydalanishga mo'ljallangan. Tadqiqotimizda SF-36 – Hayot sifatini baholash metodikasini qo'llashimiz asosida sinaluvchilarning jismoniy va psixik holatlari aniqlandi va natijalar asosida tegishli korreksion ishlari olib borildi. Biz tadqiqot vazifalarini amalga oshirish maqsadida sinaluvchilarini nazorat va tajriba guruhlariga ajratgan holda psixodiagnostik ishlarni olib bordik. Kuzatuv guruhiда revmatoidli artrit bilan kasallangan bemorlarning yetuklik va keksalik yoshidagi 40 nafrar hozirda davo muolajalarini olib kelayotgan bemorlar tashkil qiladi. 40 nafrar bemorning 20 nafari kasallikning o'tkir kechish davri bilan, 12 nafari o'tkir osti davri, qolgan 8 nafari sekin avjalish davri tashxisi qo'yilgan. (1-jadval) Respondentlarning yoshi 34 – 63 yoshni tashkil qiladi. Tadqiqot Toshkent tibbiyot akademiyasining ko'p tarmoqli klinikasi, Toshkent Milliy tibbiyot markazida o'tkazildi [1,8].

1-jadval

Nº	Jinsi	O'tkir kechish davri (20)	O'tkir osti kechish davri (12)	Sekin avjalish davri (8)	Jami (40)
1	Erkak	4	1	3	8
2	Ayol	16	11	5	32

Revmatoidli artrit bilan kasallangan bemorlarning hayot sifati va emotsiyonal holatlarini o'rganishga qaratilgan navbatdagi metodika "SF-36 Hayot

sifatini baholash" so'rovnomasidan olingan natijalar o'rtacha arifmetik qiymati jadvalda keltirildi (2-jadvalga qarang).

2-jadval

Nº	Hayot sifati baholash ko'rsatkichlari	O'tkir kechish davri (20)	O'tkir osti kechish davri (12)	Sekin avjalish davri (8)
1	Jismoniy harakatchanlik	31,3	35,2	45,45
2	Jismoniy holat bilan shartlangan harakatchanlik	33,3	37	42,9
3	Og'riqning intensivligi	27,3	37,5	52,9
4	Salomatlikning umumiy holati	42,4	45,2	47,2
5	Hayotiy faollik	39,1	44,6	41,8
6	Ijtimoiy harakatchanlik	38,8	38,8	52,5
7	Emotsional holat bilan shartlangan faoliyat	29,5	34,4	45,5
8	Psixik salomatlik	39,3	42,5	47,9

Har bir ko'rsatkichning yuqori natijasi 100 ballda ifodalishinishi e'tiborga olsak, olingan natijalar deyarli o'rtacha va past ballarni ko'rsatdi. Bu sina-

luvchilarning ayni paytda bemor ekanligi va turli guruh nogironligi qayd qilingan shaxslar ekanligi bilan izohlanadi. "SF-36 Hayot sifatini baholash so'rovno-

masidagi sakkizta ko'rsatkichlarning umumiylar xulosalaridan shuni ko'rishimiz muminki, revmatoidli artrit bilan kasallangan bemorlarda vaqt o'tgan sayin shikastlangan funksiyalarning qayta tiklanishi jarayoni yuz berar ekan, ammo bu jarayon bemorlarda har xil holatda kechadi, shuning uchun bu o'rinda shaxsdagi sub'ektiv omillarni e'tibordan chetda qoldirmasligimiz zarur. Xususan, revmatoidli artrit bi-

lan kasallangan ko'pchilik bemor qayta mehnat faoliyatiga qayta olmaydi, ba'zi bemorlar nogironlik nafaqalariga chiqadilar. Kasallik o'z navbatida maxsus tibbiy muolajalarni talab qildi. Tadqiqotimizni korreksion dasturini tuzishda bu kabi omillar inobatga olindi. Hayot sifati (SF36) so'rovnomasini turli darajadagi bemorlar natijalaridagi statistik farq quyidagi 3-jadvalda keltirildi.

3-jadval

Hayot sifati (SF36) so'rovnomasini bo'yicha turli davrdagi bemorlar natijalaridagi statistik farq

Nº	Hayot sifati baholash ko'rsatkichlari	1-2-davrlardagi bemorlar xususiyatlari dagi farq	1-3-davrlardagi bemorlar xususiyatlari dagi farq	2-3-davrlardagi bemorlar xususiyatlari dagi farq
1	Jismoniy harakatchanlik	-1,69*	-4,36 *	-2,15*
2	Jismoniy holat bilan shartlangan rolli harakatchanlik	-0,94*	-2,64*	-1,63
3	Og'riqning intensivligi	-2,54	-7,46	-5,73
4	Salomatlikning umumiylar holati	-3,04	-3,56	-0,003
5	Hayotiy faoliyk	-1,82	-0,9	1,20
6	Ijtimoiy harakatchanlik	0,5	-3,17	-4,15
7	Emotsional holat bilan shartlangan rolli faoliyat	-0,65	-2,58	-1,83
8	Psixik salomatlik	-1,57	-4,82	-2,95

Izoh: * p≤0,10; ** p≤0,05; *** p≤0,01

Sinaluvchilarda barcha davrlar bo'yicha jismoniy xarakatchanlik xususiyatlari o'rtasida ahamiyatlari farq aniqlandi ($t=-1,69$; $p\leq0,10$; $t=4,36$; $p\leq0,01$; $t=-2,15$ $p\leq0,05$). Jismoniy holat bilan shartlangan rolli harakatchanlik ko'rsatkichi bo'yicha 1-3 davr bemorlar xususiyatlarga ko'ra esa ahamiyatlari farq mavjudligi aniqlangan ($t=2,64$; $p\leq0,01$). Og'riqning intensivligi barcha davrdagi ($t=-2,54$; $p\leq0,05$; $t=-7,46$; $p\leq0,01$; $t=-5,73$; $r=0,01$), umumiylar salomatlik 1-2, 1-3 davrdagi ($t=-3,04$; $p\leq0,01$; $t=-3,56$; $p\leq0,01$), hayotiy faoliyk 1-2 davrlardagi ($t=1,82$; $p\leq0,10$), ijtimoiy harakatchanlik, emotsional holat bilan shartlangan rolli faoliyat, psixologik salomatlik ko'rsatkichlari 1-3, 2-3 davrlardagi ($t=-3,17$; $p\leq0,01$; $t=-4,15$; $p\leq0,01$; $t=-2,58$; $p\leq0,05$; $t=-1,83$; $p\leq0,10$; $t=-4,82$; $p\leq0,01$, $t=2,95$; $p\leq0,01$) bemorlar xususiyatlari o'rtasida statistiki tafovut mavjudligi namoyon bo'ldi (3-jadvalga qarang). Bemorlarda kuchli xavotir, qo'rquv va befarqlik, ishonchszizlik, o'z-o'ziga xizmat darajasini pasayishi, nogironlik, iqtisodiy qaramlik bemorlar ruhiyatiga kuchli ta'sir ko'rsatgan, diagnostik intervyyu metodidan olingan natijalarga ko'ra, kasallikni kutilmagan holatda boshdan o'tkazgan bemorlarda, shuningdek, emotsional holatlardagi psixologik xususiyatlar kasallik davrlariga qarab turlicha xarakterlanadi [7].

Xulosa.

Ishimizni empirik natijasida revmatoidli artrit o'tkazgan bemorlar emotsional holatlarining psixologik xususiyatlari aniqlandi.

1. Kuzatish, klinik suhbat jarayonida bemorlar psixologik holatlarida kognitiv, motivatsyon, emotsi-

onal sohalarida kasallik sababli, qo'rquv, o'z ehtiyojlarni ochiq ifoda qila olmaslik, o'z-o'zini his qilish, faoliyk, kayfiyatlarida past baholanishi, hayot sifati pasayishi, ijtimoiy rollarning o'zgarishi, o'z-o'ziga xizmat ko'rsatish qobiliyatining yo'qolishi kabi holatlar yaqqol namoyon bo'llib, mazkur kasallik bilan og'riqan bemorlarga kasallikka munosabat va kognitiv sohadagi buzilishlar asosida shaxsiy fikrlarda sustlik, emotsional labillik, jismoniy holatdan qoniqmaslik, tushkunlikka moyillik, yig'loqilik, yolg'izlikka moyillik, befarqlik, ba'zilarda esa yaqinlariga nisbatan tajavuzkor hulq-atvor shakllariga aylanadi.

2. "SF-36 – Hayot sifatini baholash" metodikasi sakkizta shkala bo'yicha 1-2-3davrlardagi bemorlar xususiyatlari o'rtasida ahamiyati farqlari kuzatildi. Kasallikning erta tiklanish davridagi bemorlarning jismoniy va psixologik xususiyatlarida farqlar mavjud.

ADABIYOTLAR

1. Новик А.А., Ионова Т.И. Руководство по исследованию качества жизни в медицине. – 2-е издание / под ред. акад. РАМН Ю.Л. Шевченко. – М.: ЗАО «Олма Медиа Групп», 2007. – 320 с.

Scott D.L., Wolfe F., Huizinga T.W. Rheumatoid arthritis (англ.) // The Lancet. — Elsevier, 2010. — 25 September (vol. 376, no. 9746). — P. 1094 — 1108. — doi:10.1016/S01 40-6736(10)608 26-4. — PMID 20870100.

2. WHO Disease and injury country estimates. World Health Organization (2009). Дата об-

рашения: 11 ноября 2009. Архивировано 11 ноября 2009 года.

3. Alamanos Y., Voulgari P.V., Drosos AA; Voulgari; Drosos. Incidence and prevalence of rheumatoid arthritis, based on the 1987 American College of Rheumatology criteria: a systematic review (англ.) // Semin. Arthritis Rheum.: journal. — 2006. Vol. 36, no. 3. — P. 182 — 188. — doi:10.1016/j.semarthrit.2006.08.006. — PMID 17045630.

4. Ibdullayev Z.P. Insult va koma: vrachlar uchun qo'llanma. — T.: «Muharrir nashriyoti», 2012. — 196 b.

5. Raximbayeva G.S. Nevrologiyada hamshiralik ishi. — T.: 2013. — 115 b.

6. Richards B. L., Whittle S. L., Buchbinder R. Muscle relaxants for pain management in rheumatoid arthritis. (англ.) // The Cochrane Database of Systematic Reviews. — 2012. — 18 January (vol.

1). — P. 008922 — 008922. — doi:10.1002/1465-1858.CD008922.pub2. — PMID 22258993.

7. Samartzis, Dino, Shen, Francis H. and Kellner, Thomas Christian. *arthritis | Definition, Causes, & Treatment | Britannica* (англ.). Encyclopedia Britannica (30 июня 2022). Дата обращения: 2 июля 2022. Архивировано 2 июля 2022 года.

8. Wallen M., Gillies D. Intra-articular steroids and splints/rest for children with juvenile idiopathic arthritis and adults with rheumatoid arthritis. (англ.) // The Cochrane Database of Systematic Reviews. — 2006. — 25 January (no. 1). — P. 002824 — 002824. — doi:10.1002/14651858.CD002824.pub2. — PMID 16437446.]

9. World Health Organization – World Stroke Day, 29 October 2019 // <https://www.who.int/southeastasia/news/speeches/detail/world-strokeday>.

PSYCHOLOGICAL ANALYSIS OF THE QUALITY OF LIFE OF PATIENTS WITH RHEUMATOID ARTHRITIS

Azimova Mavlyuda Mahmudovna - associate professor

Abdieva Mehriniso Bozorovna - 3rd year student

Tashkent Medical Academy (Tashkent, Uzbekistan)

Annotation. The article describes the quality of life of patients with rheumatoid arthritis psychological analysis is presented. Rheumatoid arthritis disease has a huge impact on human health indicative, a serious disease that radically changes the life of the patient being considered, it causes problems that directly affect the quality of life. This article contains observation, methods of conversation, E.John, D.Using Cathy's " SF-36 – quality of life assessment " methodology, the quality of life indicators of stroke patients were analyzed mathematically – statistically.

Keywords: physical mobility, role mobility conditioned by physical condition, intensity of pain, general state of Health, vital activity, social mobility, role activity conditioned by emotional state, mental health.